

密城朴氏族譜序

昔方遼志先生有言古之貴乎修譜者非特以着世次紀官位而誇於人也蓋將使後世觀之考其世德醇疵明其流澤廣狹而益思所以自立嗚呼至哉言也此可以為修譜之大法也若夫以我朴言之自新羅始祖王世襲冠冕至大匡公

諱允子密山君諱密密川君諱大皆麗朝名臣也迨本朝密山君後孫監司公

諱徐孤岩公長洲公東湖公芝浦公聾啞公竹村清肅公稼里公雲涯公竹峰公

月澗公三興堂公止齋公鶴觀公一聽齋公竹簡齋公韋一窩公密川君後孫

溪公校理公諱堯泌川忠簡公大瓠公沙川公草亭公岩軒公桃谷公舍翠軒公

懶軒公癡々齋公楚亭公大癡翁公弦齋公眉樵公杜臯文貞公或道德文章或

忠義大節或清白治績或勳勞功業或隱逸德行或享祀書院或扶道被禍或學

行命召或清要顯官凡此諸賢輝映史策照人耳目此其所以世德醇而流澤

廣者也凡吾宗後孫固當其於先德遺風共所瞻望若泰山之有日觀霄漢之有

景星一以為表準一以為光華講明究索以存諸心行諸身顯諸事業可也非特

以著世次紀官位而已也此其所以思自立者也然則安知後之思今不猶今之思昔耶嗚呼美矣可不勉哉尊祖收族厚風俗管攝人心者豈在乎此譜之所貴者孰大於是觀於此而有不感慕而興起者烝民首章之義泯矣據其大義叙之如此而其詳細事實條例已備於諸宗序跋不必贅說焉時丁酉春三月望日承旨公十二世孫時浩謹序

世人稱吾朴爲東方大族蓋上焉而踐姪似之位誕生 列聖下焉而負伊傅之任輔理弘化其他孝子忠臣文章學行代不絕乏輝映簡策而氏族之多又布瀆八域其見稱於人實不虛矣然而不會萃爲一譜則無以辨派系正昭穆而明一姓光赫之美勸諸宗敦睦之誼故此先世之所以始纂而未有完譜去壬寅之大譜愈密愈詳規模廣大繼以有庚午之派譜而或有踈漏雖不完成千載之下宗支之來歷分散之雲仍恍若接膝序倫於一堂之上於乎盛矣無奈祖宗在天之靈倘或默佑於冥々之中而致然耶可因此而盡吾尊祖睦族之道已厥後大同譜仍未躋修何幸今者自永同諸族中發起爛議收單鳩財無不從志不幾月而

功告竣抑待時而然也昔范希文嘗告諸子曰吾吳中宗族甚衆於吾固有親疎然吾祖宗視之則同是子孫固無親疎也此意雖爲恤族而發今推極其意亦可爲譜族者勸戒也噫派流漫者其源必深枝葉茂者其根必固爲吾族者苟能體祖先之心行祖先之行勿替引之則蔭流後昆繁衍而赫駟者將無窮期矣此今日吾宗之所共勉而亦有望於後來皆仍者也顧余無文耄弊敢爲說奉諗于諸宗云時丁酉春三月日密川君十七世孫燦會謹序

我東方之朴皆本於新羅始祖王也然觀其諸派譜則各以中葉襲封爲祖而來者蓋上世愈久而多有傳失不能歷系故也然以宋朝之文明程夫子尙歎其無百年之家也况以吾派自密城君諱陟歷六七百年祖孫相望系如貫珠者此豈非積善種德受天之報哉譜者言某先祖後裔云且言某兄弟分派云雖隔在千里馨氣相通詳同先祖同兄弟之昭穆矣凡吾同譜者一時合宗系叙穆昭爲能分明也然不守孝悌之心敦睦之義則先祖之靈其肯曰余有後昆乎非尊祖收族之道也余實賴諸族之誠勤而有一言可申者願諸族自勵而不失其真也

高宗壬寅之譜其例則或詳或略前合後分者蓋族大人衆故也勢有不及故也是以厥後已有派譜今按往例則依舊而潔略今例則厚新而繁詳其潔其繁則雖若不同統之則如出一而無異矣編輯舊例中詳略分合者於此可知矣尊祖之道敦睦之誼自有天然中出來者也是故因舊嗇而加釐舉新豐而致詳其於收宗族厚風俗之道未必無小補云時柔兆涿灘流火節叅議公十一世孫漢九謹序

自生民而來人不可以無譜也譜所以辨宗支而明分系序昭穆而篤倫理尊宗收族而重敦睦之義則不翅爲人家之緊務而已於國家之風教大有關焉者也故我東大族巨閥必以是義爲重人而無譜一祖之孫不幾而爲路人者必矣可不惕然乎爾耶吾朴系出新羅天潢而雲仍繁衍散在八域著爲國中巨族而累有收譜矣自丙子後今爲一世有餘矣則族大父淵浩氏族叔忠輔氏合議云合族之事當續修而人情由近則親由遠則疎理之自然也且世情澆漓地步夔遠則實難大收但依前日之規爲可也然自親親之仁而推而上之則雖百世而一

身自尊尊之義而推而下之則由一根而萬枝一本而萬殊會萬而歸一則何有遠近親疎之異也哉自吾派而觀之道學忠孝文章勳業亦自彬然後之子孫宜可觀感興起矣且與其族遠而情疎也盍自近而益敦愛睦之心而推去以廣之無乃爲自邇行遠之道耶譜旣成更告一言凡吾諸族恒體祖宗均視之心而爲心雖在各地自念而云某郡有某祖某叔某邑有某兄某弟其能安泰其或無些少之故乎種種如是且深思祖宗之勦業垂統爲子孫之規模而吾之一言一動俾無參於祖宗一事一行無貽羞於我先人乎否耶每如此用心推情則斯譜之作豈非大有益於我後人也亦非修譜之誠意歟然而吾派中猶有不參則斯爲所憾者淡矣以俟後日世平民泰貨力稍伸而詢謀僉同惟能一大圓滿成就切切企仰爾乎衆皆唯唯英勳以不文無辭那能弁卷而謹述淵浩氏之言如此

檀紀四一九〇年丁酉暮春日僉正公十三世孫英勳謹序

家之有譜猶國之有史也國不可無史家不可無譜是以昔周盛時有小史之職奠世系序昭穆以掌邦國之治然則於國於家譜是重大事也以我先世觀之自

新羅始祖王至麗朝密城君諱陟千數百年之間文獻無徵世次未詳豈非當時譜法不明之致乎此誠後孫之所共太息者也至 本朝譜法闡明吾家譜繼自

密城君而初翔於 肅廟辛巳續修於甲子辛卯壬寅丙子又舉今日之役吾宗

之能事畢矣祖宗世次昭穆秩然有序道德文章忠勳燦然有光豈不美哉今是役也其任員而擔夯者淵浩忠輔兩氏也余以愚魯亦猥叅任員不可無一言略叙其槩如此因諗之曰吾宗族雖有親疎自祖宗視之則均是子孫以是思惟豈不共修敦睦之誼哉昔張公藝九世同居以百忍爲主然忍字有抑除強耐含愠之意而至於百則其憂苦果何如也今吾八域宗族以一睦爲主而睦字有怡然和樂本心不能自己之意誠能一此不懈百世不替焉則其怡悅果何如哉然則吾族之八域張氏之一門吾之百世一睦張氏之九世百忍其大小優劣之相去何啻逕庭也以是推進爲世人之矜式則程伊川所謂收宗族厚風俗管攝天下之人心者其庶幾矣凡吾 僉宗必勉旃哉時丁酉春三月日副正公十三世孫

洙勳謹序

朱夫子嘗曰士君子之所以立於斯世者不難於名而難於實不難於小而難於大此余所以每切有感於修譜也我朴冑於新羅始祖王而中世世次有闕無徵故我譜自麗朝密城君諱陟爲始 肅廟丁巳竹村清肅公時任全羅觀察四拙軒公爲本州通判相與詢謀百爲編緝其後辛巳四拙軒爲安東伯竹村公再從弟諱重圭爲善山府使往復相議修整刊印成編繼有甲子辛卯壬寅丙子譜焉昨丙申歲族叔淵浩氏與忠輔通告于遠近諸族收輯譜單擔斲周旋越明年丁酉秋功告訖其世次昭穆宗支派分秩然有序瞭然在日其於譜法可謂至矣盡矣然若但有是名而無其實或徒規規然謹於小小言語文字之間而其大者無稱焉則亦何足以爲紹先裕後之美法哉吾宗族雖有親疎之異自祖先視之均是子孫然則孝悌敦睦之心油然而生也且其於先德遺風必存諸心體之身形於事行然後可以盡後孫之道也是以方遜志曰古之貴乎修譜者考其世德醇庇明其流澤廣狹而益思所以自立程伊川曰收宗族厚風俗管攝天下之人心者亦莫如譜此所以爲實且大而所謂難者也然若捨其難而但務其不難者則

何貴乎譜也亦何能盡我敬祖睦族之道推而爲世矜式焉則於此所難者亦何難之有願我僉宗必勉旃哉時丁酉仲秋日承旨公十三世孫忠輔謹序

蓋自始祖王以降延及十王遂至八大君之分封歷三韓遍八域雲仍輩出道德也文章也忠孝也烈節也勲業也炳烺燦耀垂於竹帛者難舉一々不謂某々通千古之甲族亘萬歲之大閥也所以本固而枝繁源漫而派滾古之張氏之九世同居年近三百誰不曰壯哉蓋忍之爲德也可謂一家之模範然比於吾姓則不謂小哉吾宗則亘百代年過幾千來裔以之衆多布住京鄉者其麗不億同居果然難於蜀道也所以收其敦睦序其昭穆非譜莫及故古昔盛時一遵譜例大同團結矣厥後累百年間一根而列爲萬樹一源而分爲萬流故此派譜之所以作也之分以派異實難於大同故無寧各系收合其族以敦親親之誼也是以成例幾經累次雖曰派譜比於殘微之族衆夥以上惟我僉宗尊祖敬宗收族詳我所自出之義敦其孝悌之心則厚風俗管攝之情油然而發于衷永世不休顧余卑劣不文焉敢贅說今當劖劂不勝感激所以如此云爾時丁酉仲秋日奉事公十

七世孫益守謹序

國乘家譜其義一也而祖先之於子孫猶木之根水之源培其根豈非尊祖穆族之道乎於戲今距新羅之初已數千餘載則其根源深矣子孫之繁衍已歷六十七世則支派亦遠矣是以前後續譜者未知幾次而亦莫不以續成勿替惓惓致意於來許豈非可惧處耶竊惟我派先祖密城君聖神文武積德累仁其基深厚故後孫克肖其德有如提學公之位望崇重餘蔭尙存使散在裔屬齊聲相應有今日之設而本宗之來歷至於因親之氏名官職可一開卷而盡得之亦可以備後日舉宗同譜時修單之資矣噫古昔蘇氏之譜譜自高祖止 功總之親而曰孝悌之心油然而生今吾譜之始於提學公而至于數十世則其規模之大視蘇氏爲何如也苟能觀吾譜而推孝悌之心則無亦美於蘇氏之家風乎凡爲吾譜者居家而孝友處族而敦睦各自感奮振勵思所以無忝先烈方可以上不負祖先下不愧子孫而遠可近踈可親矣盍相與惕念哉時丁酉暮春日密川君十七世孫龍會謹跋

吾朴之譜始創於 肅宗丁巳厥後累修於辛巳甲子辛卯而至壬寅譜我伯父
玉成公校正丙子譜我先君子剛窩公主之而有序曰凡吾同譜者只而一時之
合宗系叙昭穆爲能事而不思所以孝弟則不但祖先之靈瑟縮不安萬子孫敦
睦之義亦何由而生哉不肖每奉讀恍如式瞻儀形親承音旨未嘗不三復感慕
焉今不肖之設是役也克守先業繼之述事云時丁酉孟春日承旨公十二世孫
淵浩謹跋

有姓而有譜人家之所同然者也吾族之修譜往在壬寅則其間子姓從而蕃衍
生卒隨而互胥不得不更爲收錄族大父淵浩氏與忠輔氏先倡其論閱歲編摩
其誠可謂勤矣印役將訖猥以所感奉諭于諸族曰夫子孫之於祖宗猶木之根
枝水之源派苟爲子孫而不敬祖宗則是自傷其本源矣安有傷其本源而枝達
派長之理也願諸族益篤尊敬於祖宗推而盡敦睦於族黨使根枝互連源派相
承則雖百世之遠猶是一堂之內矣諸族其各惕念哉甲勳以無似亦與聞其始
終略書于下方如此云時丁酉菊秋節副正公十二世孫甲勳謹跋

族之有譜古也內固可詳外亦可略苟內而不外奚可以言譜哉我宗以密城大姓爲世甲族而譜猶有未盡焉者余故嘗恨之歲赤龍春適承乏備臬湖南而朴君紳又來作通判通判寔我同宗而自鼻而五派則分矣青紫相禪蓋莫相甲乙而至挽近踵登龍籍厥代及五則其過我二矣豈不赫然稱名家哉簿領之暇圖所而成譜以不獨其內其外亦詳焉蓋酬余宿恨也然不于諸宗而獨于吾兩家奚亦蘇子詳吾所自出之義也夫若其世德先懿余敢模畫哉使後世子孫觀吾譜而油然而生孝悌之心即余志也

上之三年丁巳春通政大夫守全羅道觀察使兼兵馬水軍節度使巡察使全州府君朴信圭謹識

余昔通判完山也同宗判書信圭公時爲觀察使相對慨然以氏譜不全爲歉仍出家譜屬余贊成未幾余承薇垣 召命繼而公又納節還 朝中間世故多端尙未成就余來莅 永嘉府判書公再從弟重圭氏出宰一善可相議錢梓判書公胤承旨明義氏述先志勗是事以先大爺遺譜序語送于宗姪奎東許取舊譜

參考證演以成全書幸矣仍念密陽之朴始于羅甲于東歷數千載蟬聯煥發爲
一世名門右族者俱有譜牒刊行於世獨吾兩宗自始祖以下至于今承先蔭保
冠冕敦親厚誼能不替其初一本之義而譜牒尙闕焉此前輩之所以慨然欲成
者今而得賴諸宗人勉助是牒始完人粹其亦有待也歟追感存沒徒增悵恨也
己後十五年辛巳秋通政大夫安東都護府使朴紳謹跋

始吾先君與再從兄判書公信圭氏搜緝族譜未及鉉梓不幸先君即世判書公
又繼物事遂不果迺者不肖忝宰一善會同宗安東伯紳氏慨然以刊譜爲意往
復相議參考修整用付劄牘氏枝派之分瞭然悉矣孝悌之心油然而生矣吾宗數
百年所未遑者始完於今日聿追乎先志則茲非其幸歟如其諸派之詳略成書
之首末判書公之序安東公之跋該焉茲不贅

歲辛巳仲秋通訓大夫行善山府使朴重圭謹識

吾宗辛巳譜行已百餘年茲派系迭遠總功胥分譜之宜有以續久矣然而尙闕
焉全嘗懼之歲甲子春遂與族姪長民宗人時養甫語而肯之仍勗于宗咸能助

役即成編付剞劂凡閱六月而訖蓋亦事鉅而功易爲者矣第念辛巳譜成于兩宗家伊時判書公湖南之緝觀察公永嘉之刊符節相望何其盛也善山公實亦以時宰敦是役爲追念往昔信有不迫感而今其遺序可按也况茲判書公家以不虞之故因緣未入殊復悵然豈述是譜而成之本意哉若其編錄諸例則大略因舊而加釐厚新而致詳固知僭猥其於吾宗孝悌之風亦庶有裨益云爾歲甲子季秋朴齋道謹跋

吾家譜始刊行於

肅廟辛巳而我高祖觀察使同宗光州牧英載甫先祖判書公暨一善公寔主之詳載於識跋信而有徵可以不揚先休垂範後人式至于今雲仍繁衍派系迭遠譜牒之續成實爲吾兩宗繼述之美今光牧述先志董是役以舊譜遺跋示余願得一言以續舊好余追感先誼不敢以寡陋辭其撰次編錄一遵辛巳譜而亦主乎謹嚴略採家庭間一二聞見益加修整用副剞劂以爲闡揚觀感之一助焉後一百三十一年辛卯夏初通訓大夫前司憲府持平朴長輿謹跋

凡譜所以明世系記遠近也世遠則譜隨而續焉譜之爲徵前信後顧不重歟吾宗辛巳譜寔我五代祖考判書公主之我從高祖承旨祇承勿墜用暨我判書公再從弟諱重圭同宗永嘉伯諱紳刊印成編今其前後弁卷可按而知嗚呼伊時兩宗符節相望剗剗鄭重不亦盛矣哉今距辛巳百三十有餘年不肖忝宰湖縣顧念譜事居然後屬踈遠落落如路人譜若不爲之續則大懼先訓是墜以茲昕夕耿寤粗謀拮据遂亟通于諸宗氏追緝入梓卽此爲辛卯譜也譜旣成略識本末以附先藁之後非敢曰能竊庶幾萬一於繼述之義云 歲辛卯夏初通政大夫行光州牧使朴英載謹識

凡人家有譜莫不出於其先而一或子孫零瘁緒業怠馳不克續而述之譜遂無傳者往往有之矣豈不盡傷乎哉吾宗辛巳譜其始因竹軒判書公以時任湖南伯首爲編輯其後我高大父四拙軒觀察公開刊于永嘉前後弁卷班班照映式至今行之爲百餘年之久則宗人英載氏又適宰光州函通于我族兄 持平長輿氏刻期續編捐奉入梓英載氏卽竹軒公五世裔長輿氏卽四拙軒玄孫兩宗

繼述之美吁亦有辭矣因自而譜有沿襲總功袒免不失吾所自出厥功爲何如也譜一從辛巳其不失謹嚴可知而若其疑以傳疑又有偏例存焉後之覽者當自知之譜旣成屬余爲一言有不敢辭謹識于後歲辛卯通政大夫承政院右副承旨兼 經筵叅贊官春秋館修撰官朴長復謹跋

朴氏之先出於新羅景明王分封八子皆有後各以受封爲貫其長曰密城大君卽吾朴氏之祖也在

肅廟辛巳譜始作譜者何也溯其源而類其族也夫世遠則難稽人衆則易漏本支益繁簡編隨增爰有

純廟甲子辛卯之譜焉辛卯以後七十餘年諸派又盛咸曰斯可以續修也於是諸族齊會哀輯而辨證者凡十餘冊也勒諸劄牘而至若譜系之前後詳略旣著於凡例茲不復述禮曰尊祖故敬宗敬宗故收族爲吾祖之孫者其勉之歲壬寅通政大夫敦寧府都正朴孝容謹序

朴之氏於中國未有而我東則巨閥也其源肇自新羅王王迹熄而降編戶然歷

三韓遍八域其麗不億至今分貫爲五十餘而密城最著密城之譜始於我 肅
宗朝厥後斯役不知其幾而年前總譜實吾姓數千年初有之舉也雖若無事於
今然支分派異雲仍尙多闕漏繼而輯之亦不可已也故肆與族孫璣輔忠輔經
紀是役凡三載而付手民嗚呼五世澤斬之後殺爲路人理勢之固也雖然自祖
先觀之均是子孫若視同秦瘠推而不去豈吾祖先均視之意也此程夫子所以
收宗族厚風俗使管攝人心者也然則凡吾同譜者只以一時之合宗系叙昭穆
爲能事而不思所以孝弟則不但祖先之靈瑟縮不安萬子孫敦睦之義亦何由
而生哉余方癡廢深坐無以與聞其事而實賴諸族之誠勤克底其終猥以一語
勉戒諸族亦欲以自勵云時柔兆困敦季春日承旨公十一代孫滿九謹叙

吾朴系出新羅天潢號稱三韓巨族源遠而流衆各以所蒙中祖別爲世家者凡
十有七以言乎先烈則道德文章忠節勳業炳烺竹帛以言乎後昆則醴泉靈芝
金鳳玉麟連世趾美者指不勝擣而我中祖密城君諱陟之後爲尤盛焉中世以
來累有諸家合譜之舉而不無近收遠漏之弊以是爲遺憾矣迺者族兄滿九氏

倡言曰凡修譜與其大而脫略曷若小而周詳今只以我密城君後言之雲仍彌
繁散居四方慶吊無聞視若塗人者有之程子所謂明系收族以厚風俗者正時
下急務盍先修一家之譜極其周詳以母或脫略矣乎僉曰可設役定規散居諸
族收合無遺付諸剗剛然後昭穆隆殺宗支親疎秩秩有序瞭然在目譜將竣爰
九告于衆曰惟我大同之上系可以溯考於舊譜至若近代派分之詳舍今新譜
奚以哉各世家人以滿九氏之心爲心而編成其譜以俟他日大同之譜合舉而
措之則事半功倍而絕無漏略之憾矣豈非一大宗幸福而滿九氏之功有光前
人者乎凡我同族恪典是譜用勉乎由親及疏之義以達乎合小成大之理也夫

叅議公十一代孫塽九謹序

新羅璿源系

一世

始祖王

姓朴氏諱赫居世漢宣帝神節元年壬子秋七月聖母自仙桃山降于楊山蘿井始祖誕降有神異神宣帝五鳳元年甲子夏四月丙辰即位國號徐羅號居徐千漢平帝元始四年甲子春三月薨在位六十年壽七十

三〇陵國都南七里曇岩寺傍

二世

嗣南鮮王

解或作海諱懿亦曰次雄甘露四年辛未誕生元始四年甲子立號次次雄三年丙寅春正月立

始祖廟四時親祭漢更始二年甲申秋九月薨在位二十一年壽七十四〇陵先陵同原卯坐王妃金氏封雲帝王后一云雲梯夫人誕二男

三世

嗣儒理王

諱治理亦曰齒理更治二年甲申立漢光武中元二年丁巳冬十月薨在位三十四年〇陵先陵同原卯坐〇王妣金氏封明宣王后葛文王日如女誕二男二女〇陵東山子坐事實載史譜王以遺命傳昔脫解漢章帝建初五年庚辰脫解王薨復

四世

嗣逸聖王

光武建武二十年甲辰誕生漢順帝陽嘉三年甲戌立桓漢帝永興二年甲午春三月薨在位二十一年壽一百一十一〇陵國都南七里嶺下漿田洞卯坐〇王妃昔氏誕一男〇陵金西門外子坐〇王妃許氏正安王女事實載史譜太子阿達羅

五世

嗣阿達阿王

永興二年甲午立漢靈帝中平元年甲子春三月薨在位三十一年〇陵國都南十五里拜日山卯坐〇王妃昔氏誕一男一女〇陵金西門外子坐事實載史譜

六世

男碧芳

下見

王

公主昔奈鮮

諱燁追尊憲聖

王子